

二〇一七年五月二十七日

擔當 藤井京美

【原文】

真人問、何以致是賢者、神人言、皆以思也、精思不止、其事皆來、神哉、道之爲治、可不力行哉、
神人言、三綱六紀所以能長吉者、以其守道也、不失其治、故常吉、天之壽命、不奪人之願、木性仁、思仁故致東方、東方主仁、五方皆如斯也、天下之事、各從其類、故帝王思靖、其治亦靜、以類召也、
古之學者、效之於身、今之學者、反效之於人、古之學者、以安身、今之學者、浮華文、不積精於身、反積精於文、是爲不知其根矣、

【訓讀】

真人問ふ、「何を以て是の賢者を致さん」と。神人言ふ、「皆 思ひを以てするなり。精思して止まざれば、其の事 皆來たる。神なる哉、道の治爲るや。力めて行はざる可けんや」と。

神人言ふ、「三綱六紀の能く長らく吉なる所以の者は、其の道を守り、其の治を失わざるを以てなり。故に常に吉、天の壽命ありて、人の願ひを奪はず。

木の性は仁、仁を思ふが故に東方に致す。東方は仁を主る。五方 皆斯くの如きなり。天下の事、各おの其の類に従ふ。故に帝王 靖らかなるを思へば、其の治も亦た静かなり。類を以て召すなり。

古の學ぶ者は、これを身に效す。今の學ぶ者は、反ってこれを人に效す。古の學ぶ者は、以て身を安んず。今の學ぶ者は、浮華の文ありて、精を身に積まず、反って精を文に積む。是れ其の根を知らずと爲す」と。

【譯】

真人が尋ねた、「どのようにしてこの（補佐の）賢者を招き寄せることができるのでしょうか」と。神人が言う。「みな、思念によつてである。ひたすら思念を凝らしつづければ、かかる状況がことごとくもたらされる。神妙なるかな、道による統治のありさまは！ 努めて実行せずにおれようか」と。

神人は言った、「三綱（君臣・父子・夫婦の道）六紀（諸父・兄弟・族人・諸舅・師長・朋友の道）が長らく吉を保ちうるその理由は、これらが道を守り、道による統治を失わな

いからである。それゆえ、これらに則れば、常に吉を保ち、天は長寿を授けて、この天与

の寿命を全うせんとする願いを人々から奪い去ることはない。

五行の木の性は仁である。仁に思いを向けるゆえに、東方に感応する。東方は仁を主るからである。東西南北と中央の各方位においてもまた、これとおなじく、同類間の感応が存在する。天下の事物は、それぞれ類を同じくするものに従う。それゆえ、靖らかであることを、帝王が思い念ずれば、その治世もまた静かで安らかなものとなる。同類間の感応によって、このような状態を出現させるのである。

古の学ぶ者は、学問を自分自身に捧げた。今の学ぶ者は、反対に学問を他人に捧げている。古の学ぶ者は、学問によって自分自身を安らげた。今の学ぶ者は、うわべは華やかであるが実のない文章を作り、精気を自分自身に蓄積せず、反対に文章の中に蓄積している。これは、根本を理解していないということである」と。

【注】

○精思不止

* 『後漢書』張衡伝 衡乃擬班固兩都、作二京賦、因以諷諫。精思傳會、十年乃成。

* 『論衡』實知 孔子生不知其父、若母匿之、吹律自知殷宋大夫子氏之世也。不案圖書、不聞人言、吹律精思、自知其世。聖人前知千歲之驗也。

* 『抱朴子』内篇、金丹 昔左元放於天柱山中精思、而神人授之金丹仙經。

* 『太平經鈔』卷二 思神致神、思眞致眞、思仙致仙、思道致道、思智致智。聖人之精思賢人、致賢人之神來祐之、思邪、致愚人之鬼來惑之。人可思念、皆有可致、在可思者優劣而已。

* 『太平經』卷八十九、八卦還精念文第一百三十三 天道萬端、在人可爲。道成其事、□□不爲非、患人不力爲、正氣何從得來。行而不上（止？）、日吉遠危。大人爲之、其國太平、小人爲之、去禍招福。形思之幽處趣具成。子而守道、亂何從得生。思念而中止、自太平、心中不亂無邪傾。守之不止、日自生。道不妄出、付有德、歸其人。

○神哉、道之爲治

* 陸倕「石闕銘」（『文選』卷五十六） 暑來寒往、地久天長。神哉華觀、永配無疆。

* 『雲笈七籤』卷五十五、魂神、精神 但宜閉目而臥、著志意於身内、身意不出、則身鍊形變也。如此則理身已得也、太平自應矣。神哉、此道也。内已致壽、外以安理、不用筋力、自然致也。

* 『論語』泰伯 子曰、大哉堯之爲君也。巍巍乎、唯天爲大。唯堯則之。

* 『太平經』卷八十六、來善集三道文書訣一百二十七 「…神哉、爲道如斯。此乃天祐上德之君子、其治天下之明鏡也。眞人知之耶。」「唯唯。」

* 『太平經』同上 願聞其意。然、且語眞人大要說。…神哉、爲道如此、願聞到也。所集議人、當於何期乎。善哉、子之言、悉記於太平來善之宅下。

* 『太平經』卷九十、冤流災求奇方訣第一百三十一 「…古者聖人常稱天、不敢懈也、故常獨吉也。賢儒集策、天道畢也。各言一善而陰陽理、神靈悅也。災害悉伏、不復發

也。所謂治得天心、而祇臣絕也。神哉為道、自然術也。」「善哉善哉。愚生向不力問、復無緣得知是也。」

*『太平經』卷九十六、守一入室知神戒第一百五十二 「……故吾為道、不試言也、乃求試行。不行之、安知吾道與天相應而信哉。今日行之、比若與天語、十五五、無有脫者。神哉為道如斯、誠可謂大樂矣。真人知之耶。」「唯唯。」

*『太平經』卷一百九、兩手策字要記第一百七十七 「……神哉、吾之為道、純天意也。但可前不可却、但可順不可逆、順之純得天心也、逆之事亂。亂禍恟恟、人意西、天意東、名為與天意不同。」「善哉善哉。」

○力行

*『禮記』中庸 子曰、好學近乎知、力行近乎仁、知恥近乎勇。知斯三者、則知所以脩身。知所以脩身、則知所以治人。知所以治人、則知所以治天下國家矣。

*『孟子』滕文公上 詩云、周雖舊邦、其命維新。文王之謂也。子力行之、亦以新子之國。

*『太平經鈔』卷四、胞胎陰陽規矩正行消惡圖 天無有過、人自求喪、詳思其意、亦無妄行。天與守道力行故長生、人不肯為故死傾。

○三綱六紀

*『白虎通』三綱六紀、總論綱紀 三綱者、何謂也。謂君臣、父子、夫婦也。六紀者、謂諸父、兄弟、族人、諸舅、師長、朋友也。故含文嘉曰、君為臣綱、父為子綱、夫為妻綱。又曰、敬諸父兄、六紀道行、諸舅有義、族人有序、昆弟有親、師長有尊、朋友有舊。何謂綱紀。綱者、張也。紀者、理也。大者為綱、小者為紀、所以張理上下、整齊人道也。人皆懷五常之性、有親愛之心、是以綱紀為化、若羅網之有紀綱而萬目張也。詩曰、疊疊文王、綱紀四方。

*『白虎通』三綱六紀、論三綱之義 君臣、父子、夫婦、六人也。所以稱三綱何。一陰一陽謂之道、陽得陰而成、陰得陽而序、剛柔相配、故六人為三綱。

*『白虎通』三綱六紀、論六紀之義 三綱法天地人、六紀法六合。君臣法天、取象日月屈信、歸功天也。父子法地、取象五行轉相生也。夫婦法人、取象人合陰陽、有施化端也、六紀者、為三綱之紀者也。師長、君臣之紀也、以其皆成己也。諸父兄弟、父子之紀也、以其有親恩連也。諸舅朋友、夫婦之紀也、以其皆有同志為己助也。

*『白虎通』號 古之時、未有三綱六紀、民人但知其母、不知其父。能覆前而不能覆後。臥之詿詿、起之吁吁、飢即求食、飽即棄餘、茹毛飲血、而衣皮葦。于是伏羲仰觀象于天、俯察法於地、因夫婦、正五行、始定人道。畫八卦以治(天)下、(天)下伏而化之、故謂之伏羲也。

*『太平經』卷九十六、忍辱象天地至誠與神相應大戒第一百五十三 下古之人生於父與母、而共忽其父母、背叛其父母、萬未一人而孝也。得解蒙暗於師、已覺去者、忽其師不師為其師、自屈折、執勞苦也。以貧賤得富貴於君、而反相教下、皆共日欺其上、萬未有一人有誠信也、羣愚共欺其三綱、名為叛逆而無信也。其罪過彰彰、下可覆蓋、皆上見於日月三光也。故天地甚疾之惡之、使其短命而早死也。

○長吉

*『太平經鈔』卷六 聖人悉樂理天地、而萬物受其功。大善神真仙人助天地行、不敢自苦也。悉與元氣同、與天心相得、故獨長吉而無凶也。古者聖人賢人深思遠慮、乃知天道意。但專陰行善、不敢爲惡也。

*『太平經』卷五十、天文記訣第七十三 古者聖賢帝王、見微知著、因任行其事、順其氣、遂得天心意、故長吉也。逆之則水旱氣乖迕、流災積成、變怪不可止、名爲災異。

○守道

*『春秋左氏傳』昭公二十年 仲尼曰、守道不如守官。君子韙之。

*『雲笈七籤』卷十七、三洞經教部、經、太上老君內觀經 老君曰、……守道全生、爲善保真。世愚役役、徒自苦辛。……道無生死、而形有生死。所以言生死者、屬形不屬道也。形所以生者、由得其道也。形所以死者、由失其道也。人能存生守道、則長存不亡也。……知道易、信道難。行道易、行道難。行道易、得道難。得道易、守道難。守道不失、身常存也。

*『太平經』卷九十二、萬二千國始火始氣訣第一百三十四 夫道德與人、正天之心也、比若人有心矣、人心善守道、則常與吉。人心惡不守道、則常衰凶矣。心神去、則死亡矣。是故要道與德絕、人死亡、天地亦亂毀矣。

○天之壽命、不奪人之願

*『太平經』卷三十九、解師策書訣第五十 凡物生者、皆以甲爲首、子爲本、故以上甲子序出之也。人得見之壽長久。人者、正謂帝王一人也、上德易覺、知行道書之人也。據瑞應文、不疑天道也、深得其意則壽矣。壽者、竟其天年也。長者、得無窮也。久者、久存也。居天地間活而已。居者、處也。處天地間活而已者、當學真道也、浮華之文不能久活人也。

*『太平經』卷一百十四、某訣第一百九十二 此本善致善、本孝致孝、本不孝其末不孝、本惡其末惡。善者其願皆令其壽、白首乃終。上至百二十、下百餘歲、善孝所致、非但空言而語也。不但天愛之也、四時五行、日月星辰皆善之、更照之、使不逢邪也。

*『太平經鈔』卷十、盛身却災法 人生百二十上壽、八十中壽、六十下壽、過此皆夭折。此蓋神游於外、病攻其內也。思本正行、令人相親愛。古之求壽、不失其道者。天地有常行、不可離本也。故求安而長存者、慎無忘此道本元也。

(參考)『太平經鈔』卷二、解承負訣 凡人有三壽、應三氣、太陽太陰中和之命也。上壽一百二十、中壽八十、下壽六十。百二十者應天、大歷一歲、竟終天地界也。八十者應陰陽、……六十者應中和氣、……如行善不止、過此壽謂之度世。行惡不止、不及三壽、皆夭也。胞胎及未成人而死者、謂之無辜承負先人之過。

*『太平經鈔』卷八 從天地陰陽中和三法失道已來、天上多餘算、蓄積不施行、何也。願聞其意。然天之受命、上者百三十、謂之陽曆閏餘也。其次百二十、謂歲數除紀也。其次百歲、謂之和曆物紀也。人悉當象是爲年。今失三法已來、多不竟其年者。餘算一歲一算、格在天上、人行失天道、無能取者。今象吾文、爲善行者、天上悉且下此算以

增之、或得度世、或延年矣。

（參考）『太平經鈔』卷六 天受人命、自有格法。天地所私者三十歲、比若天地日月相推、有餘閏也、故爲私命、過此者應爲仙人。天命、上壽百二十爲度、地壽百歲爲度、人壽八十歲爲度、霸壽以六十歲爲度、侏壽五十歲爲度。過此已下、死生無復數者、悉被承負之災責也。故誠冤乎。此人生各得天算、有常法、今多不能盡其算者。天算積無訾、故人有善得增算、皆此餘算增之。

○木性仁、…東方主仁、五方皆如斯也、

*『春秋繁露』五行相生 天地之氣、合而爲一、分爲陰陽、判爲四時、列爲五行。行者行也、其行不同、故謂之五行。五行者、五官也、比相生而間相勝也。故爲治、逆之則亂、順之則治。東方者木、農之本、司農尚仁、…南方者火也、本朝、司馬尚智、…中央者土、君官也、司營尚信、…西方者金、大理司徒也、司徒尚義、…北方者水、執法司寇也、司寇尚禮、…

*『漢書』天文志 歲星曰東方春木、於人五常仁也、五事貌也。…熒惑曰南方夏火、禮也、視也。…太白曰西方秋金、義也、言也。…辰星曰北方冬水、知也、聽也。…填星曰中央季夏土、信也、思心也。

（參考）『白虎通』性情 五藏者、何也。謂肝心肺腎脾。…肝所以仁者何。肝、木之精也。仁者好生、東方者、陽也、萬物始生、故肝象木色青而有枝葉。…肺所以義者何。肺者、金之精。義者斷決、西方亦金、殺生萬物也。故肺象金、色白也。…心所以爲禮何。心、火之精也。南方尊陽在上、卑陰在下、禮有尊卑、故心象火、色赤而銳也。…腎所以智何。腎者水之精、智者進止無所疑惑、水亦進而不惑。北方水、故腎色黑、水陰、故腎雙。…脾所以信何。脾者、土之精也。土尚壬養、萬物爲之象、生物無所私、信之至也。故脾象土、色黃色、

*『禮記』中庸 天命之謂性、率性之謂道、修道之謂教。〔鄭玄注〕天命謂天所命生人者也、是謂性命。木神則仁、金神則義、火神則禮、水神則信、土神則知。

（參考）『禮記』樂記 是故先王、本之情性、稽之度數、制之禮義、合生氣之和、道五常之行、使之陽而不散、陰而不密、剛氣不怒、柔氣不懼、四暢交於中、而發作於外、皆安於位、而不相奪也、〔鄭玄注〕生氣、陰陽氣也、五常、五行也、〔孔穎達疏〕云五常五行也者、此經有陰陽剛柔皆自天地之氣、故以五常爲五行。非父義母慈之德。謂五常之行者、若木性仁、金性義、火性禮、水性智、土性信、五常之行也。

*『太平經』卷六十九、天讖支干相配法第一百五 東方者好生、南方者好養。夫不仁用心、不可與長共事、不明、不可以爲君長。故東方者木仁有心、南方者火明也。

*『太平經』卷六十九、天讖支干相配法第一百五 火之精爲心、心爲聖、木之精爲仁、故象在東也。東南者養長諸物、賢聖柔明亦養諸物、不傷之也。故夫聖賢柔明爲性、悉仁而明、仁者象木、明者象火、故悉在東南也。

*『太平經鈔』卷十、以自防却不祥法 立春、盛德在仁、氣治少陽、王氣轉在東方、興木行、其氣弱而仁、其神吏青衣、思之幽閑處四十五日、至九十日、令人病消以留年。行不止、令人日行仁愛。春分已前、盛行少陽之氣、微行太陽之氣、以助少陽。觀其意無疑、深思其意、百邪服矣。立夏日盛德火、（大）王氣轉在南方、太陽之氣以中和治。

其神吏用之、得其意、口中生甘。神吏赤衣、守之、百鬼去千里。夏至之日、盛德太陽之氣、中和之氣也。其神吏思之、可愈百病。季夏六月、盛德合治、王氣轉在西南、迴入中宮。其神吏黃衣、思之令人口中甘。每至季、思之十八日。立秋日、盛德在金、王氣轉在西方、斷成萬物。其神吏白衣、思之四十五日、至九十日、可除病、得其意、令骨強老壽。秋分日少陰之氣、微行太陰之氣也。逆疾順之。立冬之日、盛德在水、王氣轉在北方。其神吏黑衣、令人志達耳聰。守之四十五日、至九十日、百病除。此五行四時之氣、內可治身、外可治邪。故天用之清、地用之寧。天用之生、地用之藏、人用之興。能順時氣、忠臣孝子之謂也。此名大順天地陰陽四時五行之道。故道爲仁賢出、不爲愚者生矣。

* 『太平經』卷七十二、五神所持訣第一百一十一 中央者、爲雷爲鼓爲劍。中央者、土也、五行之主也、鼓亦五兵之長也、劍亦君子道德人所服也、亦五兵之長也。

* 『太平經鈔』卷二 帝王仁明生于木火、武智生于金水、柔和生土。

* 『太平經鈔』卷八 天有六甲四時五行剛柔牝牡孟仲季、共爲親屬兄弟而敬事之、不失其意、以化天下、使爲善主、仁義禮智文武更相爲親屬兄弟。……

* 『太平經』卷十、七事解迷法 今此上德、仁、義、禮、文、法、武七事各異治、俱善有不達、而各有可長、亦不可廢、亦不可純行。治身安國致太平、乃當深得其訣、御此者道也。

* 『太平經』卷六十七、六罪十治訣第一百三 助帝王治、大凡有十法。一爲元氣治、二爲自然治、三爲道治、四爲德治、五爲仁治、六爲義治、七爲禮治、八爲文治、九爲法治、十爲武治。……天使元氣治、使風氣養物。地以自然治、故順善得善、順惡得惡也。人者、順承天地中和、以道治、主動道。凡事通而往來、此三事應天地人讖。過此三事而下者、德仁爲章句、過仁而下、多傷難爲意。

○天下之事、各從其類、

* 『周易』繫辭上 天尊地卑、乾坤定矣。卑高以陳、貴賤位矣。動靜有常、剛柔斷矣。方以類聚、物以羣分、吉凶生矣。在天成象、在地成形、變化見矣。

* 『周易』文言、乾 九五曰、飛龍在天、利見大人、何謂也。子曰、同聲相應、同氣相求。水流溼、火就燥。雲從龍、風從虎。聖人作而萬物睹。本乎天者親上、本乎地者親下。則各從其類也。

* 『太平經鈔』卷七、虛無自然圖道必成誠 ……然未欲大得天地之心意、有益於帝王政理者、乃當順用天地之心意、不可逆太歲諸神、同含（合）其氣、與帝王用事、同喜同心、同指同方、同運同樞、同根同意。故古者聖人陳法使帝王、春東方、夏南方、秋西方、冬北方者、主與此天氣共事也、同故相迎也。是爲順天之道。與天同氣、故相承順。

* 『太平經鈔』卷八 天上諸神言、好行道者、天地道氣出助之。好行德者、德氣助之。行仁者、天與仁氣助之。行義者、天與義氣助之。行禮者、天與禮氣助之。行文者、天與文氣助之。行辯者、亦辯氣助之。行法律者、亦法律氣助之。天地各以類行神靈也。天將助之、神靈趨之。深思其要意、則太平氣立可致矣。

○帝王思靖、其治亦靜

*『晉書』文帝紀 維翼朕躬、下匡萬國、思靖殊方、寧濟八極。

○以類召也

*『論衡』感類 大旱、春秋雩祭。又董仲舒設土龍、以類招氣。如天應雩龍、必爲雷雨。

○古之學者、致之於身、今之學者、反致之於人

*『論語』憲問 子曰、古之學者爲己、今之學者爲人。〔何晏集解〕孔曰、爲己、履而行之。爲人、徒能言之。

*『荀子』勸學 古之學者爲己、今之學者爲人。君子之學也、以美其身。小人之學也、以爲禽犢。

*『後漢書』桓榮傳、論 子曰、古之學者爲己、今之學者爲人。爲人者、憑譽以顯物、爲己者、因心以會道。

*『太平經鈔』卷二 夫學者各爲其身、不爲他人也。故當各自愛而自親、學道積久、成神眞也、與衆絕殊、是其言也。

*『太平經』卷九十、冤流災求奇方訣第一百三十一 凡物雖衆多、不若一氣獨活人乎。故今勸眞人學者、疾棄浮華、能務核事、求真道乎。欲太吉者、眞若稱天乎。天地無病而長悅喜、眞道奇殊方出祐人乎。

○安身

*『周易』繫辭下 尺蠖之屈、以求信也。龍蛇之蟄、以存身也。精義入神、以致用也。利用安身、以崇德也。〔韓康伯注〕利用之道、由安其身而後動也。精義由於入神以致其用、利用由於安身以崇其德。理必由於其宗、事各本於其根、歸根則寧、天下之理得也。若役其思慮以求動用、忘其安身以殉功美、則僞彌多而理愈失、名彌美而累愈彰矣。過此以往、未之或知也。窮神知化、德之盛也。

*『周易』繫辭下 子曰。君子安其身而後動。易其心而後語。定其交而後求。君子脩此三者、故全也。危以動、則民不與也。懼以語、則民不應也。无交而求、則民不與也。莫之與、則傷之者至矣。

*『太平經鈔』卷二、行道有優劣法 王者行道、天地喜悅。失道、天地爲災異。夫王者靜思道德、行道安身、求長生自養。和合夫婦之道、陰陽俱得其所、天地爲安。天與帝王相去萬萬餘里、反與道相應、豈不神哉。

*『太平經』卷八十六、來善集三道文書訣一百二十七 古者賢聖之治、下及庶賤者、樂得異聞、以稱天心地意、以安其身也。故其治獨常安平、與天合同也。

○浮華文

*『論衡』自紀 夫賢聖歿而大義分、蹉◇殊趨、各自開門。通人觀覽、不能釘（訂）銓（詮）。遙聞傳授、筆寫耳取、在百歲之前。歷日彌久、以爲昔古之事、所言近是、信之入骨、不可自解、故作實論。其文盛、其辯爭、浮華虛偽之語、莫不澄（證）定。沒華虛之文、存敦龐之朴。撥流失之風、反宓戲之俗。

*『後漢書』魯丕傳 丕因上疏曰、……臣聞說經者、傳先師之言、非從己出、不得相讓。

相讓則道不明、若規矩權衡之不可枉也。難者必明其據、說者務立其義、浮華無用之言不陳於前、故精思不勞而道術愈章。

*『後漢書』儒林傳上 本初元年、梁太后詔曰、大將軍下至六百石、悉遣子就學、每歲輒於鄉射月一饗會之、以此爲常。自是遊學增盛、至三萬餘生。然章句漸疏、而多以浮華相尚、儒者之風蓋衰矣。黨人既誅、其高名善士多坐流廢、後遂至忿爭、更相言告、亦有私行金貨、定蘭臺漆書經字、以合其私文。

*『太平經鈔』卷十、神人真人聖人賢人自占可行是與非法 外學多、內學少、外事日興、內事日衰、故人多病、故多浮華。浮者、表也。華者、末也。夫天道遠入邪中、不能自還。……浮華記者、離本已遠、乃居野、其文錯亂、不可常用、時可記也。

*『太平經』卷四十九、急學眞法第六十六 古者悉自實核其學問也、合於天心、事入道德仁善而已、行要當合天地之心、不以浮華言事。所以然者、且失天法、失之即入凶絕短命矣、或害後世。天道不誤、有格法。夫不力學大吉之道、反事者輕忽自易、必且入凶。……中古以來、有善道者皆相教閉藏、不肯傳與其弟子、反以浮華僞文教之、爲是積久、故天道今獨以大亂矣。……夫下古人大愚、反誦浮華相教、共學不壽之業、生時忽然、自言若且無死、反相教、無可愛惜、共興凶事、治死喪過生、生乃屬天也、死乃屬地、事地反過其天、是大害也。

*『太平經』卷九十八、爲道敗成戒第一百五十七 行、復爲子說、道其不度者意、今日入學門、不樂思得眞道善說。但欲博聞多睹、可以行窮極聖人者。又不樂推行作善、反好浮華之天（文）、可以相欺僞者。或既得入經道、又用心不專一、常欲妄語、辯於口辭、以害人爲職、不尊重上、不利愛下。其行與經道實空虛、未足以爲帝王之良臣、反行守長者。旁人以財貨自助、欲得大官、以起名譽、因而盜採財利、以公趣私、背上利下、是即亂敗正治、天地之害、國家之賊也。民之虎狼、父母之惡子也。天地憎之、鬼神惡之。故其罪泄見者、時時見誅於帝王、以稱天心、以解民之大害也。是其工欺而得官者也。或有用心不專、實空虛無眞守、反積常思欲得官。

○爲不知

*『論語』爲政 知之爲知之、不知爲不知、是知也。

○不知其根

*『莊子』知北遊 今彼神明至精、與彼百化、物已死生方圓、莫知其根也、扁然而萬物自古以固存。六合爲巨、未離其內。秋豪爲小、待之成體。天下莫不沈浮、終身不故。陰陽四時運行、各得其序。惛然若亡而存、油然不形而神、萬物畜而不知。此之謂本根、可以觀於天矣。

*『太平經鈔』卷二、安樂王者法 凡事無大無小、皆守道而行、故無凶。今日失道、即致大亂。故陽安即萬物自生、陰安即萬物自成。陰陽治道、教及其臣、化流其民、受命於天、受體於地、受教於師、乃聞天下要道、守根者王、守莖者相、守浮華者善則亂而無常。

○積精

*『春秋繁露』通國身 氣之清者爲精、人之清者爲賢。治身者以積精爲寶、身心爲本、國以君爲主。精積於其本、則血氣相承受。賢積於其主、則上下相制使。

*『漢書』王吉傳 休則俛仰詘信以利形、進退步趨以實下、吸新吐故以練臧、專意積精以適神、

*『後漢書』明帝紀 詔曰、朕親耕藉田，以祈農事。京師冬無宿雪，春不煖沐，煩勞羣司、積精禱求。〔李賢注〕積精猶儲積也。

*『太平經鈔』卷五 賢者見書、深思此言、先難後易、身亦無患。而守德成大道、身學已更九室成神人。其念常與凡人殊絕異、朝夕未常念地上、欲聞天事也。意乃念天上職事、乃後可下九室。積精篤竭自化、易其形容。即是上天聖人也、不得復理民間時事明矣。